

文苑英華卷第九百五十六

誌二十二

職官十八

崔判官汪墓誌一首

韋倉曹元誠墓誌一首

李長史鋒墓誌一首

唐推官欵墓誌一首

李司錄雍墓誌一首

權參軍隼墓誌一首

蕭兵曹惟明墓誌一首

劍南節度判官崔君墓誌銘

常衮

故人清河崔汪字巨源舉秀才校文尋佐戎衛遷廷尉評
辟荆襄益三府春秋若干大歷四年^曆月日遇疾終于成都
官舍以巳酉歲律中南呂庚辰之辰返葬於棲鳳原龜從
也惟先德世勲焯叙前志祖仁堅父綱位不配才佐郡貳

邑而已。公志經炳文義，精格峻敦，孝本義篤，近周親，定交後，求忠告善道，達則兼濟，否則艱貞。天寶之難，覩萌晦跡，族行導漾，儉德全身。陶融太和，不嬰物累，而辟書狎至，傳駟旁午，不暇棲伏，俛而受命，竟友於諸侯，咨以書奏，籌畫之事，抗詞中病，動不求合。老將嘆惜，大英雄張正色，檢御革心，畏憚從容，儒服以靜邊荒，夷險終始，坦然一致。初郭英乂鎮蜀，政暴及禍，公以嘗所辟用，雖言之不行，終全節守義，遂與妻子居巖石之下，不復歛袂於是府矣。及相國衛公式是南邦，旌禮賢士，待以坐幄，咨訪戎政，議者謂翰飛紫霄，邈其遠矣。志士方展國華，中零哀哉，蓋君子耻食浮於人，不患無位，故曰孔門不稱其官，閔穎川尚慙於

長公始以文顯，中以道勝，終以義全，斯亦成名矣。何必乘軒服冕，方謂之達歟。然以有王霸之畧，通質文之變，不得與公卿大夫高議明庭，鬱湮重泉，知者悼惜，旅襯南下，浮江阻寇，夫人河東薛氏，故水部郎中掇之女也。公之死，明誓崩戚，感動潛舟，夜風反柁，湍險神明所護，川后息波，出于萬死之中，死此九原之葬，可謂貞烈孝婦，軌儀壺教，嗣子師周，十一歲而孤，危身過毀，以余先君之舊，見託銘述，詞曰：

元和內融，懿鑠孔純，學滔泉源，文鬱春雲，儉德處難，超然世氛，即戎雅歌，偃息中軍，參以天時，合於兵機，道行則安，言廢則危，終保風節，蜀人高之，英靈沉埋，旅襯流離，哀哀

孝婦上訴蒼昊金柩巴江歸魂蜀道田橫舊曲季布餘軛
一閉泉扃千秋蔓草

范陽郡倉曹參軍京兆韋公墓誌銘 獨孤及

永泰二年五月七日有唐故衢州刺史魯縣子京兆韋璆
第三子范陽郡倉曹參軍諱元誠葬于少陵原先瑩夫人
范陽廬氏祔焉從周禮也公少時爲坊州參軍歷襄州司
法試守棗陽縣令真授蒙城令凡五遷至范陽倉曹初安
祿山以范陽叛劫脅元元以殺整衆士之困官因居而困
窘顛躓墮圍中者數千計兇威所及不死則汙公掾吏也
在僞署伍中溷跡徃狂與以病免盜憎之乃加害焉春秋
若干夫陽九厄會天地鞠凶燎火炎炎玉石何訴是歲天

寶十五年也嗚呼人皆筮仕必以廉平公幹稱於州里人

誰無死死則名不辱志不奪不嚙盜哺以易其生生且不

苟其事君事親之禮不待史氏而自明矣在官必聞則居

家正身與朋友臨財之節可知矣有子曰彤龍鍾崎嶇於

阻險之中十年不克返葬哀有何極歲在乙巳冬某月始

跋涉大行恒山之路以公之喪葬自某原集作至自某郡是公李

弟吏部郎中元魯既得吉卜痛天倫之歡莫之追也願以

君之忠於君恪於官友於家之德之美以播後嗣庶幾陵

岸遷而德音不磨諱以及爲習於禮者故使爲誌其辭云

天地橫隕三象霧集作非兮梟獍擇肉鸞鷺懼兮明夷于飛

罹其故兮美玉寧拆質不汚兮子子孫孫荷餘裕兮

越州長史李公墓誌銘

梁肅

大曆己未八月癸丑故尚書比部郎中

集作員外

渤海李公卒

享年六十十月某日權窆于某鄉原嗚呼公諱鋒字公穎

菴人也其先自後魏幽州刺史高城公雄四世至皇朝太

常博士善信善信之孫曰文素以之章知名舉秀才曆伊

闕尉文素生勝尉于馮翊之白水蓋公之父也鳳閣侍郎

平章事武功公蘇味道其外祖也公噐宇魁異

集作梧

英風

集作風神明邁中立不回旁通多可初不以祿仕為意用朋酒

自娛游江湖間交必一時之選言必可大之業相國張平

原鎬之鎮江西也聞而噐之表為協律郎兼上饒令公用

仁愛恤惇獨剛明肅豪右不及一年上饒之人如熱遇灑

亦既報政彭城公劉尚書晏以狀聞詔遷晉陵令為治加

上饒一等郡守李公栖筠尤重之待以賓禮時公以發硯

之噐連宰

集作尹

二邑征鎮者聆其休風方昭

集作招是

佇不暇

陳宣州少遊表言其能授監察御史參宣歙軍事事無苛

慝遷殿中侍御史換工部郎中從事部無闕政因條奏至

京師當國者偉公之材將寘于朝公辭未復命遂以待御

史旋介本使東遷于會稽與公俱東永泰末妖賊殺郡將

以叛其帥敗亡賊

集作餘

黨詐服公以單騎往安其民一旦

收隱慝

集作匿字

三十人殺之以徇三衢之人道路相慶人到

于今稱之無何有比部之拜乃兼越州長史既罷歸休于

無錫私第道有所不通公淡然自居其志愈厲加以率性

孝悌睦親接士財必分人衣無常主和樂扇於閨門信讓
達于家邦其進也致身以從政其退也卷懷以自牧其亡
也知與不知皆為歎息嚮非懿識全才其風可懷則曷以
臻此予忝從公遊也久故錄其實以紀之因用表墓誌銘

曰

才宜處貴德宜受福允矣比部曷其不淑融融和風

集作氣

綽綽曠度踈通且仁柔惠有裕登車持斧厥績方茂力命
暨乖陰陽已寇閔川不駐廣厦推搆夜臺陰陰何日復晝

鄜坊節度推官大理評事唐君墓誌銘

權德輿

君諱欵字嘉言北海人曾祖貞休皇比部郎中河南少尹
祖詡太子洗馬考試河南府士曹參軍代有懿行遠承華

構君清方敏厚幼有立志與伯氏文編講藝脩詞知名於

士友間其文華浹洽而長於比興其義行潔脩而篤於友

悌貞元初舉進士甲科解巾補宮衛紀綱掾右輔守臣撫

封辟士表為支使轉左領軍倉曹明年復調為左金吾曹

曹因喟然曰吾三命不越於環列其道蹇歟消歲宴居吟

咏情性而已會故人彭城劉景通受天子推轂之重鎮于

洛郊

集作郡

辟書既至命書繼下以廷尉評事理軍訟未幾

請急省兄于盛山又東南至于雲安問關巴峽嬰冒霧露

俄而景通入覲為冬官司空方欲盛薦君於獻納侍從之

列景通既沒

集作列非

左右曹中執法多所引重而枕疾不起

悲夫時二十年秋八月壬子其年四十有九昔崔駰管輅

官不過長岑令少府丞而當時之翕然扇巧言進取蒲志
者可勝道哉天闕紛綸從古所歎初聚馮翊嚴氏與元長
帥相國太保公之女不幸早亡繼娶天水權氏華州司士
參軍集之集女予之從祖妹也有明敏集作識淑行爲六姻儀
法結褵周月遭罹栢舟之痛遺胤之始集作方娠可哀也哉予
與文編周旋於文章道義二十年矣故辱君之歡亦舊淮
湖睽阻京轍會合集作地合姓集作但化在旬歲之中寢門屑涕
情何有極冬十月庚寅其孤輝旣得吉卜窆于萬年縣義
善原且虞丘夷谷變不可以不識遂爲銘曰
一氣云云浮休滑潛英華未伸奄忽歸根于嗟乎嘉言于
嗟乎九原刻此清芬

太原府司錄事參軍李府君墓誌銘 前人

君諱雍字某趙郡鄙人曾祖集有為字非萬安皇鄒平郡丞祖

頊贈鄭州刺史父日知皇銀青光祿大夫黃門侍郎侍中

戶工刑三部尚書君承廢床覆露而資性和厚有詞藻工

篆隸起家太子通事舍人轉太常寺主簿年甫成童卓然

有立志歷都水監丞長安丞轂下難理號爲稱職丁太夫

人韋氏憂免喪猶毀不交人事尋詔除太原府錄事參軍

已抱沈瘵以開元十有九年夏五月歿於長安昇道里享

年三十五集作四十三噫嘻以侍中公之寬明正直忠孝於君

親書在國籍爲景雲賢相宜其子孫昌阜有韋平之慶而

義方積善所及不過於丞吏都吏未強仕而夭斯命矣夫

人范陽盧氏殿中侍御史敷之女司勳郎中游之妹華宗
淑行先歿者二歲有子玄之仕至晉州洪洞縣令愷慚之
化行於鄉黨命屈其才亦不至大官洪洞之子曰鄧州新
野令彬萬年尉彤陳州太康主簿彩太公廟丞玆前明經
咸等以吏以文修集作循守家法君初嘗謂洪洞曰吾家代
壤樹在周鄆之郊延陵靡博豈限故土苟吾啓手足必促
擇不食之地而歸金鷄故君歿之歲秋八月權窆於萬年
縣龍首原厥後七十有七歲彬彤等君內憂忍哀襄事因
竭誠信脩集作循祖禰之志恪君之窀穸遷柩于京兆府奉先
縣漫泉集作泉鄉保章集作章里從考集作考卜也與洪洞君與
申分允昭穆列次聿修之義情禮無違而彤又狀其祖德

請刻墓石抑予之重表甥也嘉其忠孝而銘之其詞曰
伊昔侍中實相睿宗以孝以忠穆然清風乃生良士博物
集作約仁義坦坦居易鬱堙下位家有孝孫卜茲鮮原刻勒
清芬藏于墓門

叔父故朝散郎華州司士參軍府君墓誌銘

前人

序曰洪範叙三德五福之道而德存集作任乎人福繫乎運
時未光大則卷而懷之姑以清行厚德遺諸子孫而已公
諱隼字子鷲天水洛陽人十二代祖安丘敬公諱翼為前
秦司徒代有勲德以至四代祖平涼公諱文偉集作諱歷開
府儀同三司涪集作洪常二州刺史曾祖滑州匡城縣令諱

崇本王父益州成都縣令

集作尉

諱無待烈考許州臨穎縣

令諱伋初平涼之先三葉開國匡城以降世名文行公續

承茂緒祗服家法有大易之鳴謙中庸之慎獨慥慥其守

孳孳其勤中立而不易方夷道而不由徑故克家無玷干

祿有聲天寶末州里舉經明屬幽陵叛渙計偕中止解巾

試守河西尉真拜鄆陵丞時東郊不開違難逃祿艱貞潔

白終出盜泉朝廷嘉之除楚州寶應丞是歲太夫人棄孝

養刺血寫大乘微言毀瘠過禮既除喪為親戚所勉調補

宋州宋城縣丞孟尚書某方持郡節深相推重每歲考課

居郡中最大曆中授福昌丞貞元初改華州司士嘗辟彭

城劉公蕭國班公之府皆分事任實助經費所至之邦必

聞其政所奉之主必加以禮而又學古不怠歌詩必類緣

情而不流體要而無害故秘書包公謂公內外脩集作循

心正氣和君子以為知言其道未伸天奪之筭嗚呼貞元

九年四月辛亥終于富平從事之館享年六十一夫人陳

郡殷氏皇曹州司法麗正殿學士踐猷之孫清河尉宣集作

寅之女故給事中杭州刺史亮其兄也今侍御史彬州刺

史永其弟也生德義之門襲猗那之慶自執筭疑作筭主饋

逮四十年孝慈柔明六姻是仰學備箴誦言成禮法公之

祿甚薄而家甚肥中外無間言諸孤猶已子閨門之內和

樂薰如也既茹未亡之痛護奉輜車東旋洛都八月癸丑

違疾厲終于新安之別墅享年若干有男子五人長曰少

子

成仕至桐廬尉次曰少清以經術甲科次曰某曰某皆以文學裕壘稟公之義方女子五人長適安福尉劉公範次適常州司倉齊暢其次未及笄皆稟夫人之明訓少成等曾未半歲再集茶蓼思養於下如不欲生銜恤忍哀竭其誠信以十月某日得吉卜於新安方山南龍澗原禮也小子亂歲而孤夙承善誘且懼徽音行實之不傳于後與陵谷之有遷也謹用論譔哀而不文銘曰

惟叔父秉直清溫而文誠而明六試吏揚令名再從事有淑聲倚夫人懿純德倬婦行為內則樂申申恭翼翼女有家男述職天不傭降鞠凶道未行禍已鍾刻金石識立對德不泯哀無窮

楊州兵曹參軍蕭府君墓誌銘 前人

君諱惟明字惟明南蘭陵人曾祖浚皇丹州刺史祖文遠皇睦州別駕考重暉皇金州別駕自丹州已降雖位不過守佐而皆以行義似續君即別駕府君之元子也天寶中舉秀才數以行過乎謙竟不得居甲乙科時苟未至雖巧力無所錯其用否不可久後累為知己所薦自明州參軍事至楊州兵曹掾凡四更集作更四官皆有理効多以名聞薦拜或叅從事之列向非刃有餘而用無滯疇能及此晚歲病風家于丹陽葆真樂一作守和樽酒自適輕財重義推誠於朋友之間不飾邊幅以曠達自任初君與令弟故司封郎中惟則同以儒服游京師賢士大夫締交慕義者如響

郎中以通才歷職而君亦累為名公所薦年位未至相次凋落嗚呼以建中十二年四月某日所疾沉痾終于丹陽私第享年若干以某月日權窆于某所從宜也夫人扶風寶氏婦道柔明子渢潮集作汝等年未志學藐然無怙芻挽時集作將行哀以求銘銘集作誌曰南齊之後福祉游臻厥生兵曹洵美且仁如何中路翳梟荆榛刻石窮泉永志聲塵

按四三十八字

七月初七日

文苑英華卷第九百五十六

文苑英華卷第九百五十七

誌二十三

職官十九

元兵曹盛墓誌一首

蕭功曹墓誌一首

馬別駕墓誌一首

楊司倉墓誌一首

呂判官恭墓誌一首

盧司錄士瓊墓誌一首

任司馬信墓誌一首

李長史則墓墓誌一首

河南兵曹元公墓誌銘

穆員

公諱盛字某河南洛陽人魏昭成帝之十二代孫皇金紫光祿大夫司膳卿汝陽公善應之曾孫集州司馬崇敏之孫處士履清之季子生五十有五年官歷憲府法寺宰邑掾京者十政以貞元十一年六月十五日卒于東都綏福

里第十月四日孀妻孤女奉喪歸葬于偃師首陽山之北
原嗚呼哀哉公忠竭於事上孝終於報親許與諾著于氣
類其蒞官也剛決堅利致用如今易人之所難敢人之所
畏累佐戎府獨步神州肅肅羽儀方漸于陸何年官階半
而不知者命迫焉初處士府君之逝也公二兄孟幼仲嬰
公方孕太夫人則我伯姑來歸于我惟是內外同氣兄無
常弟第無常兄入學過庭鴈行三紀既而從官方始異門
孟仲早落公終養焉嗚呼我伯姑深仁如天高行鄰古昔
有三子今無一孫悠悠彼蒼與善焉在仁人之祀奄焉忽
諸夫人河東柳氏從公致養奉公歸祔存沒成公之志贊
哉女子藐爾未笄煢然主奠聞者悲之公方大漸以

遂之銘見託何以爲報哀而不文銘曰

歸全舊丘列侍先人有知當樂無知返真

成都功曹蕭公墓誌銘

前人

公諱某字某其先事具梁史蓋宣武皇帝七代孫也曾祖

憬唐宰相世孫皇朝朝散大夫湖州司馬祖元祖表作相

表作州刺史贈太子詹事父諡大理評事昭穆相遺者曰

清白孝友人稱之君幼以明經登第洎天下多事投家遠

迹而所至聞焉或吏或賓報之如一歷任曹州宛杭州

富陽二邑轉都水監主簿左金吾衛兵曹調大理評事地

官司國計使臣督王賦迭咨公以分其重公受命事集而

輿頌隨之劔南節度使表公成都功曹掾兼佐蜀州戎事

錫以章紱不幸遇疾退閑于荆楚之間貞元八年歸故國于洛汭秋九月十四日終于康裕里第春秋五十八其冬十月二日遷柩于某縣某鄉從先公居公之志也公之生也和其發也清其行也晦其用也明其文也餘力其學也存誠其從事也口不言祿其爲善也心不近名是故歷仕無報勞之寵終身無克量之榮汨沒下位摧頹壯齡傳曰天下有道貧且賤焉恥也若乃道富而家貧德貴而身賤才合二字疑而奇跡高位下恥在夫天焉如蕭公者處退而退求仁得仁焉恥焉旣非所耻則又何怨夫人某郡暢氏故尚書左丞某之子昔佐公義今成公家生男四人三子早夭一子曰範方齧而嗣毀如成人姪纂遵世母幼孤之請見託爲誌其詞曰

吁嗟古人不貴貴仕義猶重生德豈輕位倚歎蕭公其道不匱何以表墓唐之君子

銀青光祿大夫行平州別駕馬公墓誌銘

歐陽詹

嗚呼死也者君子曰終有唐興元二年六月二十四日銀青光祿大夫行平州別駕馬公終于京師國喪英才家亡令子國之集作不幸痛貫所集作知公諱某字某其先京兆扶風人始實趙氏累葉繼將多揔戎塞下有以因居今爲燕之名流曾祖某某官祖某某官父某某官公則某官第某子也積奕世忠貞之慶得陰方嚴勁之氣天骨山峻

神姿玉耀集作神有孝有悌閨門以和有信有義州閭以

附矛戟韞器風雲馳聲燕趙多奇士公其人也用正直奉

籌畧擁旄伏節者尊以果斷行政令擐甲執兵者伏前後

佐全師大幕不有暫寧方將張翼翔雲揚鬢游溟大命不

永大疾集作病遘及享年三十三秦氏醫遲顏生禍促哀哉

夫人某處某氏子二人長曰縱次日緒末念集作思之感至

性過人以貞元十二年歲在某月某日大通卜宅于京兆

某鄉某里某原禮也天長地久埋集作煙川塹阜于何不有

乃為銘德于誌以三字集墓云

士以常第集作士如瑜在珉燕趙多奇士集無公則其人

業繼忠貞識資籌畧流器瑚璉羽族鵬鸚題輿大郡佐佑

懋師雖有極德集作雖亦匪孤時南抑集作仰搏鵬更期遐

揚集作東觀逝水忽茲永往卜遠期集作斯及窆于此岡惟

安惟永地久天長集作天

朝議郎行鄂州司倉參軍楊公墓誌銘 前人

公諱某字某其先關右弘農人永嘉過江公自始遷之祖

若干代處於閩越曾祖某皇唐循州司馬祖某漳州長史

父某泉州南安縣丞公則南安第若干子長七尺骨目瑰

異温良節行所至自昭風神識度群居不掩六籍外偏好

穰苴管子之術永泰中以耕戰之法致集作郊梁宋軍畫用

有成大曆元年節度使右僕射田公薦授右集作左武衛率

府倉曹參軍事在位以貞慎聞公以不仕則墜業躁求則

背道或出或處聖人爲中依吏部節文敬遵常調大曆八年集授吉州永新縣丞興元元年集授廬州司曹集作田參

軍貞元三二集作二年集集無此字授鄂州司倉參軍累職貞慎如

率府倉曹時每罷官待集卜勝屏居宴集作晏如也鄂州秩

滿愛其風土亦止焉集作愛其江山宅心焉貞元十二年冬又合集

春赴京師遇疾於途以二月四日終于汝州龍興縣之逆

旅時年六十七凡入仕三十一年歷官四政祿非豐儉以

足務雖劇通以簡上以中正集作政非重下以公平矚皆白圭

無玷朱紘有聲嗚呼公之材量如鐘含音如水待月集作盛

大小當應方圓必合公集作我則不衒人胡不求莫能全展

光耀以至殞歿悲夫夫保性居業時行則行時止則止道

也公昔於名宦之理是焉仕祿農耕猶生則營若死則已

亦道也公昨之集作於是岐路之役是焉公存以道始亡以道

終至人不違道公與之同旋正矣乎善始終者也夫人隴

西彭氏戴天之感痛以禮成長子曰集無曰字下同晃次子曰暈

季子曰果伏凶集作凶是之號以至見血以某年二月日卜葬

于某郡集作鄉某原禮也佳城一閉他時古丘後之人孰知

丘中之德墓許有誌故爲墓誌銘庶覩今爲古者明斯地

泉下有君子焉銘曰

一種鱗物神則曰龍一種植物真則曰松英英楊公於人

被物集作楊公於人被真役神藝術潛弘温良內克名不稱實祿有負

德天桃信美不能秋敷冬日可愛日集作亦用西徂大隈集作

王貞

此斯來無賢無愚英英楊公與逝川俱卜宅集作脩原有

形未圖集作東海之集作山不易其廬集作其廬

嶺南節度判官呂公墓誌銘 柳宗元

呂氏世居河東至延之始大以御史大夫為浙東道節度
大使延之生渭為中書舍人尚書禮部侍郎刺湖南七州
生四子温恭儉讓以温為尚書郎再贈至右僕射恭字敬
叔他名曰宗禮或以為字實惟呂氏宗子尚氣節有勇畧
不事小謹讀縱橫書理陰符握機孫子之術曰我師尚父
冑也大父洎先人咸統兵今天下將理平蔡克蕪幽洎戎
猶負命早夜呼憤以為宜得任瓜牙畢力通天子命作文
章咸道其志云又曰由吾兄而上三世世為進士吾父為

不墜教戒猶集作武事未克續厥緒因棄去從山南西道

節度府掌書記預謀畫不甚合以試守軍衛佐加協律郎
入薦為長安主簿復出以監察御史參江南西道都團練

軍事府表進殿中侍御史為桂管都防禦副使元和八年
去桂州相國尚書鄭公遮留假嶺南道節度判官至廣州

病疹集作瘡加滯六月二十八日卒妻裴氏戶部尚書延

齡女有丈夫子三人曰爽曰壞環曰特女三人曰環曰鸞曰
倩皆幼行於道而倩又死遂以柩如洛陽祔葬如集作於大

墓欵志呂氏世仕至大官皆有道宜興於世温集作恭名

為豪傑知者以為是必立王功活生人不幸温刺衡州年
四十卒恭未及理人年四集作十七又卒也世固有有其

具而不及其用若溫恭者邪恭貌奇壯有大志信善容物
宜壽考碩大而又不克呂氏之道惡乎興銘曰
颯颯之風乎不可追有志之大乎今安歸呂君去我死乎
吾誰依

河南府司錄參軍盧君墓誌銘 李翱

君諱士瓊字德卿范陽人家世爲甲姓祠部郎中灑融集作

之長子明經及第歷寧陵華陽集作陰二縣主簿知泗州院

事得協律郎鄭少師之留守東都奏爲推官得大理評事

韓尚書代爲留守請君如初尚書節將陳許奏充觀察判

官得監察御史府罷歲餘除河南府戶曹以疾免河南尹

重其能奏爲司錄參軍八月癸丑發疾而卒年六十九君

少好著文精曉吏事少遊故丞相楊炎張延賞之門楊美
其文辭張每歎其吏材過人常攝職同州當徵官稅錢時
民競出粟易錢以歸官斗至十八九君白刺史言狀請倍
估納粟下以澤民上可以與官取利刺史詰狀君辨其所
以必然刺史行之民用得饒未一月果被有司牒和收官
粟斗給六十後刺史到欲盡入其羨于官君既去職猶止
之曰聖澤本以利民民戶知之不可以獨享刺史乃懸榜
曉民使請餘價因以絹布高給之民亦歡受州獲羨錢六
百萬其爲戶曹決斷精速曹不擁事及爲司錄始就官承
符吏請曰前例某等一十五人合錢二千集無此二字僦人與
司錄養馬敢請命因出狀君謂集作呵曰汝試我耶使拽之

將加杖承符吏衆進仰曰前司錄皆然故敢請君告曰司錄豈不自有手力錢耶用此贓何爲因叱出之召主饌吏約之曰司錄判官文學參軍皆同官環處以食精麤宜當一不合別二集無此字無踵舊犯吾不恕及月終厨吏率其餘而分之文學參軍得司錄居三之一君曉之曰俸錢職田手力數既別官品矣此殮錢之餘不當計位高下從此後自司錄至參軍平分之舊事掾曹之下各請家僮一人食錢助本司府吏厨附食司錄家僮或三人或四人就公堂餘食侵撓厨吏弊日益長君使請家僮二人食錢於司錄府吏厨附食家僮終不食官厨召諸縣府望吏告曰某居此歲久官吏清濁侵病人者每聞之司錄職當舉非法往

各白汝長宜慎守廉靖以澠池令爲戒其所改易皆刻已便人堪爲故事及君卒士君子相弔哭咸以爲能高而位卑不副有子三人孺方嗣宗嗣業號慕祗守不失家法女二人前娶清河崔敏女無子後娶滎陽鄭虬之女有子故皆附葬于祠部塋東北孺方叩頭泣曰丈人先與先父集嘗與同官而游宅居南北隣敢請紀石先子不得辭乃據所見聞者鐫其實可推類以知凡所從事之賢銘曰嗟盧君性直而用優約已以利人宜壽宜貴以拯時所難集作其緘而不伸以喪厥神豈奪惠于東民悲夫

信州司馬

集作檢校工部員外郎

任君墓誌銘

前人

君諱信字叔正樂安人殿中侍御史玄植

集作恒

之孫靈府

功曹日新之子君少遭父喪養母以孝稱京兆尹崔光遠表試左清道率府兵曹參軍勅攝富平縣尉知縣事及克復京師以功授成都府犀浦縣丞又以優授涇陽縣尉吐蕃犯都代宗幸陝州君召募吏人保守佛寺寇不敢逼擢為本縣令充渭南集作北十縣團練使及駕回京為同列潛構功不得論僕射裴冕寬而奏之得長安縣尉轉本縣丞歷太府寺丞未幾遷監察御史京畿館驛使判官中書侍郎元載為澤漕使請為判官轉殿中侍御史又檢校工部員外郎兼侍御史判官如故元載得罪君左授建州建安縣集無此字尉及楊炎入相君以書戒之由是楊怒而不用又移處州司戶再授信州司馬觀察使鮑防集作鮑非以為判官

權知饒集作詔州事遘疾歸卒于集作於信州權交於州西原

有詩兩卷前娶宗正氏女生男冀為邠州司法參軍三女各為士妻後娶杜氏女子三人曰淑集作叙下同曰羨曰弁女五人長女嫁長洲尉源咸季次女權適權穎三女早卒少女二人未許嫁淑歷佐太府以吏能有聲為度支振武營田使得試協律郎攝監察御史元和十四年杜氏卒淑乃自信州奉府君之喪合葬於萬年柳村從先人舊塋淑嘗與翽同事嶺南府翽知淑之賢集作方亟薦於時故淑來請誌銘曰

士生于時兮所貴者才有才無命兮古今所哀噫

歙州長史隴西季府君墓誌銘 前人

府君諱則字某涼武昭王十三世孫大父獻眉州別駕時
宰相有請婚者力不可止因去官歸集作家第遇疾集作

暴卒別駕燒一指以禱於神既而弟復生自說方就繫上
帝有命以兄燒指宜復其生別駕生令一侍中源乾曜一

子求婚府君拒之固以詞抵之貶黔州彭水尉遂以壽終
府君始十餘歲先夫人以之從喪歸殯汝州由是依于舅

族少好老子莊周之言與群童居集作盡能記他童之始
集作習先夫人學左氏春秋博該百家之書故府君以經

史浸潤力田供養由是少不肯求仕善草隸畫書弓矢博奕
皆得其妙既冠得濠州定遠縣集無尉假領他縣令嚴而

行吏急民寬富豪并貧民之產而不稅者盡以法治之集

民用安罷職復還其初從事嶺南得試左蜀本武衛兵曹
於福建得試太子通事舍人大理司直授歙州長史宣歙

觀察使請為判官奏未下以疾卒年七十四夫人河南元
氏壽州刺史從之女年六十八先府君而終生子某子某

皆未仕早卒女子五人長女婿禮部員外郎鄭錫次女婿
桂府觀察使杜式方次女婿京兆常放次女婿榮陽鄭循

禮小女婿密縣尉鄭公瑜幼子克恭少讀書學文以兄舉
進士家事自饒弗克求名故年四十有六始奏授睦州司

兵累遷試大理司直兼殿中侍御史充鹽鐵推官寶曆三
年三月克恭奉府君夫人之喪歸葬于鄭州某縣岡原

知克恭之材十三年矣故克恭以府君之葬來請且曰將

以六月庚申寔知克恭若若吾季叔又何何字集作安可以辭銘

曰

德不稱祿鬼神之責材優以賤古人不感非道不集作求

曷計人爵慶蘊而傳後必有積其葬為誰誰子之下著蔡

僉吉嘉原乃蜀乃作劍擇合骨于茲終末其託何以識之有封

有柩

校定三十二字 七月七日

文苑英華卷第九百五十八

文苑英華卷第九百五十八

誌二十四

職官二十

王倉曹墓誌一首 李巡官戲墓誌一首

杜支使顓墓誌一首 杜司馬詮墓誌一首

裴巡官希顏墓誌一首

楊州倉曹參軍王府君墓誌銘 白居易

公諱某字士寬其先出自周靈王太子晉凡二十一世集作

代而生翦翦為秦將軍又三世而生珣珣居太原故今為

太原人又一十九世集作代而生瓊瓊為後魏僕射謚孝簡

公又三世集作代而生曾祖諱蒲官為河南府王屋縣令王

父諱大璉為嘉州司馬父諱昂集作為京兆府咸陽令河

南府伊闕令有文行學術應制舉對沈謀秘畧策登科詩
入正聲集公則集作伊闕第三子好學善屬文天寶中應

明經舉及第遷授婺州義烏縣尉以清幹稱刺史常之晉
知之署本州防禦判官無何租庸轉運使元載又知之假

本州司倉專掌運務歲終課績居多又集作奏聞真受永
泰中勅遷越府戶曹屬邑有不理者公假領之所至必理

大曆中本道觀察使薛兼訓以公清白尤甚表奏之有詔
權知餘姚縣令時海寇初殄邑焚田荒及營邑居四字集

營邑創器用復流庸闢菑畲凡江南列邑之政公冠其首
焉集無其制邑闢田增戶之績則會稽之牒地官之籍載

焉建中初授揚州倉曹參軍至四年七月二十六日疾歿
于揚州江都縣私第集作歿于江春秋六十有二夫人清

河崔氏鳳閣舍人融之姪孫鄭州司戶集作昂之女婦順
母儀集作為中外師集作中貞元二十年十一月十三日

疾終于三原縣之官舍享年六十有三集作有子曰播曰
炎曰起咸以進士舉及第播應制舉對直言極諫策授集

賢殿校書郎累遷監察殿中侍御史三原令炎既第未仕
起應博學宏詞科選授集賢殿校書郎昆季三人不十年

而五登甲科時論者榮之一女適范陽盧仲通播等護號
集作靈輿以末貞元年十月二十五日遷柩于京兆府富

平縣淳化鄉之某原從吉兆也嗚呼夫懋言行畜事業俾
道積于躬者在人也踐大官贊元化俾功加于民者由命

文苑英華

也有其人無其命雖聖與賢無可柰何惟公受天地之和積為行發為文宣為用故在家以孝友聞在官集作行已以清

廉聞從事以幹蠱聞如金玉在佩動而有聲其大者又常以經德秉哲致君濟人為已任有識者心集作深知之宜乎

作王者心膂耳目之官以經緯其邦家而才為時生道為命屈名雖聞於天子位不過於陪臣鬱然殞歿不展其用

者集作鬱然沒而不展其用者命矣夫古人云有明德大智者若不當世其後必有餘慶今其將在後嗣乎不然者何乃德行政

事文學具美叢於公之三子乎天其或者殆將肥王氏之家大王氏之門以甚明報施之道者也其不佞頃對策於

王庭也與播集作炎同升諸科焉祗命於憲府也與播連集作

聯執其簡焉及其集無此字為考文之官也又起在選中馬既集無此字辱與公之二三子游而聆公之遺風甚熟故作斯文

無隱情無愧辭焉銘曰
緜一作淮山道光淮水靈長繩繩子孫代有賢良將軍輔秦

武功抑揚孝簡翊魏文德闡彰降及於公實生于唐大智全才應用無方作掾于郡三語有章承乏於邑一同在康

展如之人何用不臧直登大位俾紹前芳嗚呼百鍊之鋼集作金不鑄于將十圍之材不作棟梁公亦如之與世不當

道不虛行後嗣其昌

平盧軍節度巡官李府君墓誌銘 杜牧

牧大和元年舉進士集作第貢於集作都有司試於東

都在二都群進士中。往往有言前十五年有進士李飛自江西來，貌古文高，始就禮部試賦，吏大呼其姓名，熟視符驗，然後入飛曰：如是選賢耶？即求貢，如是自以爲賢耶？因袖手不出。明日徑返江東，牧曰：誠有是人，吾輩不可得與爲伍矣。後二年，事故吏部沈公於鍾陵宣城爲幕吏，兩府凡五年間，同舍生蘭陵蕭寘、京兆韓又博、陵崔壽，每品量人之等第，必曰：有道有學有文，如李處士，戡者寡矣。是卑進士不舉，嘗名飛者，牧益恨，未面其人，宜喜其人之在位也。大和九年，爲監察御史，分司東都，今諫議大夫李仲敏左拾遺常楚老前監察御史盧簡求，咸言於牧曰：御史法當檢謹，子少年設有與游，宜得長厚有學識者，因訪求得失，資以爲官，洛下莫若李處士。戡牧謝曰：素所恨，未見者，即日造其廬，遂旦夕往來。開成元年春二月，平盧軍節度使王公彥威聞君名，挈卑詞於簡，副以幣焉，請爲節度巡官。明年春，平盧府改君西歸，病於路，卒於洛陽友人王廣思恭里第，享年若干。君諱戡，字定臣，七代祖渤海王奉慈，祖在衢州盈川，令父登婺州浦陽，尉浦陽，晚無子，夫人吳興沈氏，夢一人狀甚偉，捧一嬰兒，曰：予爲孔丘，以是與爾及其期。集作期而生君，因名曰天授。君幼孤，旁無群從，可以附託。年十餘歲，即好學，寒雪拾薪自炙，夜無燃膏，默念所記年三十，盡明六經書，解決微隱，蘇融雪釋鄭玄，至于孔穎達輩，凡所爲疏注，皆能短長其得失，一舉進士，恥不肯試歸。

晉陵陽羨里得山水居之始開百家書緣飾事業每有小
功喪訖制不食肉飲酒語言行止皆有法度陽羨民有鬪
諍不決不之官人必皆以詣君所著文數百篇外于仁義
一不關筆常曰詩者可以誦可以流於竹鼓於絲婦人小
兒皆欲諷誦國俗薄厚扇之於詩如風之疾速常集作嘗痛
自元和以來有元白詩者纖豔不逞非莊士雅人多為其
所破壞流于民間疏于屏壁子父女母交口教授淫言媠
語冬寒夏熱入人肌骨不可除去吾無位不得用法以治
之欲使後代之有發憤者因集國朝已來類於古詩得若
千首編為三卷目為唐詩為序以道集作導其志君江南秀
人張智實蕭寬真韓人崔壽宋邢楊發王廣皆趨君交之後

皆得進士第有聲名

集作名聲

官職君尚為布衣然於君不敢

稍怠君在洛中困甚河南節度使蕭洪移鎮邠州諫議大
夫蕭倣以君言於洪洪素敬諫議即欲謁君以請君曰人
間譁言洪盜籍外戚一窺其面能易吾死尚且不忍死况
為其黨乎居數月洪果敗娶弘農楊氏女早卒子二人長
曰審之次曰鼎郎始五歲以某月日權葬于常州宜興縣
某鄉里某於君為晚交得君最厚因為之銘曰

命如烟雲道比

集作宅

宮道煙雲飄揚莫知往來為道不至

無以偃息有道有命偶然相值命不在我不肖亦貴豈可

指此與彼為市嗚呼定臣曰德孔循

集作脩

曰學必聖飾集作

飾

我競競不一

集作一

不言命可傳其心以教後生嗚呼哀哉

淮南支使試大理評事兼監察御史杜君墓誌銘

前人

君諱顓字勝之曾祖涼州節度使襄陽公贈左僕射希聖
 大父司徒平章事太保致仕岐國公贈太師佑皇考駕部
 員外郎贈禮部尚書從郁君幼孤多疾目視昏近先夫人
 不令就學年十七讀尚書十三篇禮記七篇漢書至集作止
 賈誼傳不復執卷年二十四明年當舉進士始握筆草集作
 闕下獻書與裴丞相度指言時事成合集作各數千字不
 半歲遍傳天下進士崔岐有文學峭澁不許可人詣門贈
 君詩曰賈馬死來生杜顓中間寥落一千年二十五舉進
 士二十六一舉登上策時賈相國餽為禮部之集作年朝

士以進士干賈公不獲有傑強毀朝者賈公曰我只以杜
 顓敵數百輩足矣始命試祕書正字匱使判官李丞相德
 裕出為鎮海軍節度使辟君試協律郎為巡官後貶袁州
 語親善曰我聞杜巡官言晚十年故有此行太和九年夏
 君客揚州六月授咸陽尉直史館君曰訓注必亂可徐行
 俟之至汴二竟敗及洛以疾辭東下居揚之集作龍興寺
 承相牛集作公僧孺請君入幕府君謝曰李公在困未願
 副知己開成二年春日益昏冬遂喪明李為淮南節度使
 復請為試評事兼監察御史支使兄牧自馮翊迎醫石生
 曰是伏集作腦脂下融名曰內障如蠟塞管蠟去管明俟
 脂凝可以挾去無不愈者後二年石曰可治治不効自馮

翊別迎鑿醫曰嗟乎障有赤脉如木根橫可牢不可斷是法名曰日脚內障生日脚者法不可治君因居淮南築室治生不復言治眼事聞於天下無不嗟嘆君安泰自如令人旁讀十三代史書一聞不遺客來與之議論證引聽者忘去年四十五大中五年二月二十五日卒男集作一男曰麟師年十歲女曰署集作暑兒始五歲六年二月八日歸葬先塋實萬年縣洪原鄉少陵西南二里牧今年五十假使更生十年為六十人不夭矣與君別止三千六百日耳况早衰多病敢期六十人乎忍不抑哀以銘吾弟銘曰

古之達人以生為寄為夢以死為歸為覺集作竟不知生偶然乎其有裁受乎偶然即泯為大空與不生同其有裁乎嗚呼哀哉

復州司馬杜君墓誌銘

前人

公諱詮字謹夫河西隴右節度使襄陽公贈司空之曾孫司徒岐國公贈太師之孫司農少卿贈給事中之子公以岐公蔭調授揚州叅軍同州馮翊縣丞衛尉寺主簿鄂州江夏縣令復州司馬年六十其年月日終于漢上別業岐公外殿內輔凡四十年貴富繁大兒孫二十餘人集作孫人晨昏起居同堂環侍公為之親不以進門內家事條治裁酌至於筐篋細碎悉歸於公稱謹而治自罷江夏令卜居於漢北泗水上烈日笠首自督耕夫而一年食足二年

衣食兩餘三年而室居集作屋完新六畜肥繁器用皆具凡

十五年起於墾荒不假人之集作字一毫之助至成富家翁常

曰忍恥入仕不緣妻子衣食者舉世幾人彼忍恥我勞力

等衣食耳顧我何如後授復州司馬半歲棄去終不復仕

以某月某日歸葬于長安城南少陵原司馬村先塋牧為

從父涕泣而銘曰集作泣涕而書銘曰

公侯之家所業唯官薄官集作官業農墾荒室完入仕多恥

以農力勞等衣食耳勞力者賢歸全故丘慶期子孫集作孫子

邕府巡官裴君墓誌銘

前人

君諱希顏字某裴氏於百氏中獨標其族曰眷三分之為

東西中君東眷裴在國朝名位最大曰冕艱難中定冊立

肅宗於靈武而相之繼相代宗僅十五年國史有傳冕於

君為堂伯祖父王考某終朗州刺史娶宣州寧國令榮陽

鄭某女生四男君為首生朗州為塾屋河西令道朗二州

刺史公廉剛簡強於愛人凡關百姓一毫事與京兆尹節

度使爭論大聲於庭府間前如無人然未嘗以杖責治家

家人有過失則諭之諭不變者出之為喪人終不忍牽鬻

於市將終鄭夫人泣請遺令曰誓之廐驥為塾屋時役之

今踰十年聽其老死慎不可賣言訖而絕君生浸染仁父

之化温良柔友窮居鄂集作鄂縣饑寒集作餘字二十年未嘗出

一言以温不足司農卿裴及為邕府經畧使辟君為從事

得南方疾歸大中二年某月日卒于集作其字家享年若干不

文苑英華卷第九百五十九
娶無子。牧娶裴氏，實君之私。其弟覺泣來請銘。銘曰：
淑其性，生無位。死無子，孰識其端。

校正十五字

七月初八日

文苑英華卷第九百五十九

文苑英華卷第九百五十九

誌二十五

職官二十一

李明府嘉墓誌一首

楊明府靈崩墓誌一首

楊明府鷗墓誌一首

權明府有方墓誌一首

白明府季康墓誌一首

隰川縣令李公墓誌銘

楊炯

公諱嘉，字大善，隴西成紀人也。趙郡太守，雍州大中正。上
開府末康公之孫，幽州都督鎮軍大將軍，上柱國，丹陽公
之子。重華以文明允塞，謨九德於臯陶；仲尼以恭儉溫良，
繙六經於柱史。將軍李牧，人主願其同時；河尹李膺，天下
思其執御。况乎衣冠代美，祖考集有時家聲占於日月。可

宗集作周之姻集作姓誓以山河則炎集作漢之劉氏公

門承將相地積英靈望之儼然橫斷山而鬱起聽其言也

注懸河而不竭王則秦王所見天照白虹劍則殷帝所傳

星浮雲集作氣假使蔡中郎之博學郭有道之人倫何嘗

不聞迎王粲而倒屣為茅容而下拜起家為太子左千衛

以調升也按河圖於王版震一索而為長男考天象於銅

渾心前星而為太子直城霞遠曲障雲平出入青牖之門

周旋黑衣之列稍遷越王府戶曹參軍越之建國也地居

南斗之躔王之受封也禮極東門之拜即爵集作所以隆

懿親恭和所以資明德一言而干楚后即從集作雲夢之

政三見而說趙王仍襲上卿之印又遷隰川今川原爽塹

風俗和平晉獻公之胤夷吾是邑代恭王之子郢容為侯

漢書代恭王子義嗣其父為王楚元王子郢容止為侯今

英華云代恭之子郢容為侯未詳而烟集乃云楚代恭王

之子郢非容為侯尤不可辨陽泉依六壁之城孟津合三溪之水公以

輜車就列墨綬當官有蠶績於邠人用牛刀於魯邑市鄧

無競不假鞭絲學校方輿唯聞擊石諸侯取其軌則四海

瞻其儀表為杜陵之男子誰繼集作後曹箴鄉里之小人

願辭彭澤於是退歸初服就養私門戲嬰兒於階下扶老

生於井上尋丁外難集作哀毀踰制加人一等俯就三年

服闋襲封丹陽公勲上駟都尉公以安車禮盛賜杖年高

集作被服先王之道游優太平之化左棊右書謀孫翼子

居常飽德不言何氏之萬錢直置當仁豈特于公之駟馬

清風可賞必有鸞鳳相期白雪時遊多以神仙見屬義形
於金石節貫於松筠西山五日之朝將化羽而生翼北海

明年之一作大驗便展集作辰而至已以永淳元年八月

二十一日終于京師道政里之私第享年七十二嗚呼哀

哉長子隨州光化縣令守節等哀纏弟鶴痛結鄰人孝之

始也則身體髮膚所以全其性孝之終也則衣裳棺槨所

以成其禮天高八萬想京兆而可集作從地闊三阡對有

城而有恨越弘道二年歲次甲申正月甲申朔二十六日

已酉陪葬於昭陵東南之平原烟樗櫟庸材瓶罇小集作

器仰惟先友叨雅契於金環俯逮婚集作姻荷深知於玉

潤南容有道僅聞將聖之言東武建塋俄述安仁之賦集

誄嗚呼哀哉乃作銘曰

爰初帝子堯之大理降及真人國之往史衣冠百代慶靈

千祀吉兆占熊嘉名贈鯉聿脩厥德必復其始大孝因心

至仁由已肅成門內章華宮裏父任為郎學優則集作仕

陽山之曲蜀江之渙集作月旦乘鳧田間狎雉其心若鏡

其直如矢亟改炎涼罷歸桑梓象賢舊國安車暮齒忽愴

池臺俄悲生死郭門一望郊煙四起夫復何言平生已矣

滑州匡城縣令楊君墓誌銘 常袞

嘗讀東觀漢記至楊公四世大尉咸有清德泱泱乎鄒魯

之風盡在丞相府矣百有餘年論道王室宜哉自後卿大

夫泊二千石史不絕書以及于公公諱靈則字靈則弘農

華陰人也高祖兵部尚書高都公尚希尚希生宜州別駕
舟川公壽旻壽旻生司農少卿徵徵生正議大夫漢州金
堂縣令務道光昭先君之懿範其有後于關西乎公金堂
第二子也幼以五經上第參卿博陵貳職郿郿孫楚長揖
桓譚不樂一錄州事會稽稱之再領縣尹自范至匡化行
衛濮公易直子諒之心根於始矣加以好學止于蓋棺德
行孝悌温良博愛故宗族稱其仁朋友稱其信鄉黨稱其
敬蓋君子之道歟及長從吏以寬服人官刑不行職事益
辨及與之邑亦克用义和氣充塞於百里頌聲洋洋乎至
今其良吏之政歟赤綬在服下大夫事知止足之分有終
焉之志懸車告老飾巾待期浮雲身世脫屣軒冕追先生

於彭澤繼徵士於太丘斯達者之流歟天寶十四年十二
月十日寢疾于匡城縣歸休之私第春秋七十有三屬賊
臣以山東叛乃公歿之明日也且告車來甚衆徹子少殯
故有闕在邑南鄙於堂西序啓足牖下上周於身十年于
茲百戰之所折棟餘燼荒墳茂草柱下史能秀武公之嘉
客衮之姻友廣德元年夏四月本詣河外假道于匡訪邠
公之舊邑歸戴侯於故里以其年十月一日合祔於少陵
原禮也夫人河東縣君薛氏婦道母儀六姻取則於我歸
處葛之覃兮及公而終木已拱矣子環在外不及主喪其
誰尸之曰有三女無天何戴無地何履誓合泉壤感通神
明終還營丘竟同防墓空悲蔡女之孝有媿潘郎之詞銘

曰

夫物云云老子作各復其根事有必至理有固然少陵古原京兆新阡巨城夫人河東小君同居歸此地豈恨重泉誌于方石庸有賢人

犀浦縣令楊府君墓誌銘

符載

唐益州犀浦縣令弘農楊府君春秋三十九以大曆十四年冬十月卒于郫縣之私第且迫多故權窳于是縣之近郊有才子衡進士擢第官曰左金吾衛倉曹叅軍為桂陽部從事以貞元十五年十月某日啓護于成都以十六年春二月某日歸葬于鳳翔之陳倉某鄉某原從先塋也府君諱鷗字叔儀漢大尉次子復之裔羽林衛大將軍襲觀

國公之曾孫金吾衛大將軍漢潤瓊漢等六州刺史令深之孫朝請大夫絳州司馬昭獻之子發緒洪流丕承和粹世嗣厥德休有光耀府君涵五氣之英華挺九流之上木端睦孝慈勇義而文年甫弱冠儔朋推揖鄉里舉考士未果銓試遭司馬捐館崩迫歸絳營丘三年服除承順遺命再射弄穀會大盜入國太上皇南巡以制科登第補修前績快快有遺意也解褐授隴州汧隴縣尉地衝賊要方急完禦公以一尉之柄推挽令長驅徒走吏摧沮橫猾用張我師天子聞而嘉之詔授大理評事參佐汾陽公墓府暮猷碩畫實詢我焉是時公年未三十聲華隱發青萍出匣霜鋒照人人既心畏我之自負繇是有貝錦之詩焉遂除

成都府戶曹參軍事太夫人在堂公養志氣奉遺體動無
違顏唯疾之憂故州閭稱其孝也孤寡稚弱族居百口饘
褐齊一莫名我爾故朋友尚其義也有從祖父誤淪罪網
家爲奴隸宗屬顧視咄嗟而已公破鬻田產露坐佛寺不
計旦夕悉以資贖世母與太夫人重聯姊妹之歡耽焉室
妹奮出泥滓嘉偶于吉士故鄉黨服其仁也於風流興詠
高標憂遠妻嫂姑姊妹群從子弟又雅爲文每良辰美景
指烟月酌琴酒未嘗不操觚拂硯披拾奇麗不出庭戶瓌
如瓊瑤亦一門之盛永泰三載蜀將亂迫公不從之築塞
門戶視死不應相國杜公鴻漸景行操履奏授犀浦縣令
涵牛之鼎用烹小鮮一邑之理固不待歌頌而知矣時視

僚友杜員外甫岑郎中參都舍人昂聞公風聲望公飛翔
謂青冥寥廓舉翼而至不幸殞落鄰乎短柩遠邇承風失
聲咨嗟與善降祥其安在哉夫人李氏趙郡之望族也祖
崇饒州司馬考譔成都府法曹大夫貞懿文淑風度明茂
奉上撫下閨門穆然天寶十四載春秋十七而歸于我在
蜀前公二歲而歿故至是合祔焉倉曹少孤露始在齠
孺荼蓼辛螫厚自砥礪攻文種譽樹身頃時克荷嘉聲君
子以爲孝嗣矣某與倉曹爲山林之友二十年矣迢遞萬
里見託爲誌故一作非得備采風烈銜恤爲銘刻于墓門之
石銘曰

寶鷄古地鬱穹崇兮高山大澤氣所鍾兮神歸卜宅安其

中兮延休發祉方未窮兮

再從叔故試大理評事兼徐州蘄縣令府君墓誌

銘

權德輿

府君諱有方字某天水略陽人

集有也字

曾祖崇本皇朝散大

夫滑州匡城縣令祖若訥皇右補闕起居郎桂欵梓三州

刺史考做皇杭州紫溪縣令代以儒門四科為家法故發

於文則菁華施於政則惠蘇公承是休德飾躬踐行得詩

之無邪易之通理凡五授命皆以推擇曰左清道率府兵

曹參軍太子通事舍人陳州司法參軍亳州司士參軍以

集有至字大理評事兼徐州蘄縣令滿歲南浮

集作游

遘疾于途

以貞元十六年夏五月歿于楚州之旅館春秋若干夫人

河間劉氏樂城公仁軌之玄孫也明智才淑有子曰長

弱冠舉進士甲科文行清修苴臬其容水漿不入以其

集其年某月日得吉卜于某地其引也蓋殯也以與師繁興

未遑歸窆於東周之大隧姑刻圓石書其略云公夷通直

信睦姻任恤位卑而志弘居約而家肥有為有守不疾

集夜不跲其初命再命宮衛贊謁雖未居真秩而四方之嘉

招狎至其後掾二邦奉六條受祿不誣實聞其政或攝領

通邑或分乘輅車皆有裕人之仁急病之義及理於蘄也

能遂物之宜不奪人之時嘉惠善利洽於千室猶即墨桐

鄉之理無不及也又嘗饋師於田中從事於夷門皆有功

利稱於其府其去蘄也西方節將議委以謀猶介撰之重

七

且謂弓旌之未稱也將以柱後惠文之冠招公章既上而公大病斯可歎也集作已猶子族子自暮及總侍疾承訃崩

波塗潦又以見公夙訓慈仁之所逮也噫噫集作噫自匡

城至公四代而三為縣大夫皆用循政聞且以兩漢邴曼

容陳仲弓為準故不至豐祿加以梓州之懿文盛德排抑

於時道未光大終於郡節或者蕃祉必復其在後裔乎此

宗門所以有望於公之孤之昌大也既而緘公理命命以

論譔小子愀然涕洟而為之銘曰

恭惟叔父信厚清厲有車翹翹將事匪懈掾吏二部文而

無害施化一同斬人以乂易象視履謂耆而艾奄然不淑

方命相盪楚挽虞殞風烟晦昧厲詞貞珉寧此厚載

溧水縣令太原白府君墓誌銘 白居易

公諱季康字某太原人秦武安君起之裔胄北齊五兵尚

書建之五代孫也曾祖諱士通皇朝利州都督祖諱志善

尚衣集作鑿奉御父諱麟揚州錄事參軍公即錄事府君次

子歷華州下邳縣集無尉懷府河內丞徐州彭城令江州

潯陽令泗集作宿元和四年始析泗州之虹州虹縣令宣

州溧水令某年月日終集作于溧水官舍明年某月日歸

塋于華州下邳縣某鄉某原享年若干嗚呼公為人溫恭

信厚為官貞白嚴重友于兄弟慈于子姪鄉黨推其行交

游讓其才自尉下邳至宰溧水皆以廉潔通濟見知於郡

守流譽於明察才不遇集作偶時道屈於位而徒勞於州縣

守流譽於明察才不遇集作偶時道屈於位而徒勞於州縣

竟不致於青雲命矣夫哀哉公前夫人河東薛氏先公若
于年而歿生二子一女女號鑒虛未笄出家長子某杭州
於潛尉次子某睦州遂安尉後夫人高陽敬氏父諱某某
官生一子二女女皆早夭子曰敏中進士出身前試大理
評事歷河東鄭滑邠寧三府掌記夫人在室以孝敬奉親
為淑女既嫁以柔和從夫為順婦及主家以慈正訓子為
賢母故敏中遵其教飾其身升名甲科歷聘公府以文行
稱於眾以祿養榮於親雖自有資兼集作財然亦由夫人誨
道之所致也夫人以大和七年正月某日寢疾終于下邳
別墅享年若干以明年某月某日啓溧水府君薛夫人宅
兆而合祔焉禮也時諸子盡歿獨敏中號泣喪兼集作事託

漂

從祖兄居易誌其集作墓石銘曰
繫我叔父漂水府君治本於家事政施於尉集作縣民繫我
叔母高陽夫人德脩于家室慶積於閨門訓著趨庭善彰
卜隣故其嗣子休有令聞

校正二十有字 七月初八日

文苑英華卷第九百五十九

文苑英華卷第九百六十

誌二十六

職官二十二

高贊府墓誌一首 郭贊府墓誌一首

盧贊府墓誌一首 崔贊府遊墓誌一首

盧贊府峴墓誌一首 權贊府達墓誌一首

鄭主簿約墓誌一首 李主簿少安墓誌一首

韓主簿慎墓誌一首 崔少府沫墓誌一首

皇甫少府墓誌一首 獨孤少府正墓誌一首

宣義郎騎都尉行曹州離狐縣丞高君墓誌銘

陳子昂

君諱某字某其先渤海人也因仕居洛陽集無今為陽

文苑英華卷第九百六十

牛

翟人昔赭鞭乘運襲赤帝之宗蒼兕膺集作應期承太公之

胤崇勳霸業光烈猶存曾祖某北齊太子中舍人贈冀州

刺史青宮近侍光寵朝班皂蓋追榮恩崇國禮祖欽仁隋

左親衛大都督檢校祕書郎帶七尺劍始遊天子之階提

集作持三寸筆終入芸香之閣父相唐江州潯陽令舒州懷

寧令絃歌之化身不下堂神明之威蝗猶避境君即懷寧

府君之長子也黃河一直青松千集作萬伋性惟仁孝行實

溫恭文義必以潤身名節由其徇物唐龍朔元年應集作有

制舉忠鯁君對策及第試永州三字集作試守秦州非湘源縣尉位

卑黃綬志在清規秩蒲以常調補鳳州黃花縣丞梁竦長

懷尚勞州縣桓譚不樂空負琴書又轉易州遂城縣丞以

管輅之才從趙典之任古人斯在君子居之大周革命任

曹州離狐縣丞而春秋已高日月方出武盡美矣不侍集作

得夷齊之臣文武郁乎集作自循夏商之道於是因階秩

蒲告老歸閑閉郊扉於南野習巖居於東澗詩書琴酒以

觀先達之風山木丘園將為遺老之賞天授二年歲在單

閏七月二十二日考終厥命卒於陸渾縣明高之山莊時

年七十有二嗚呼哀哉君雅尚清節素履元亨懷古人之

遠圖慕先賢之遺烈以為桓魋石柳非合集作則於禮經墨

翟桐柳實宜於聖典遺令薄葬務取隨時即以其年十月

日葬於北邙山平樂之原禮也嗣子思恭孝思罔極喪制

過哀思封樹而緬懷恐東西而不志白楸為柳爰遵古葬

文苑英華 卷一百一十

之儀冊漆題封即表永年之記銘曰

泱泱大風其太公兮穆穆君子紹厥宗兮忠中鯁察廉仕漢

宮兮才位高卑考未終兮哀哀孤子號蒼穹兮歸葬平陵

松栢拱兮集作栢
松桐兮

咸陽縣丞郭君墓誌銘

常袞

公諱某字某昔蔡邕叙有道之碑已詳姓氏司徒以廉直
稱太守以仁明著祭酒之籌畫黃門之才理以克作於魯祖
驃騎將軍光祿卿仁最祖汝州司馬茂禱父濟州刺史崇
禮咸以文武孝謹傳于子孫公即濟州府君之長子也高
朗有識奉親孝事上敬睦于兄弟信于朋友好言王霸大
略經術大義簡而無傲剛近於仁而能端本靜末伏雅君

正年十二有老成之量季父崇歎不以常兒見遇謂必大
吾門伏波之言不敢失墜仲容之器居然宏達尋以明經
擢第歷洛州平恩縣尉左金吾衛兵曹參軍明恕貞恪清
廉仁愛克施於政政有經矣故幕府三辟時稱得俊御史
中丞李處古侍御史崔希逸節度使張勗爰以將命之務
諮焉公之佐廉問也旌別淑慝樹立風聲進厥賢良不仁
者遠率由簡易希下按章從容以和大變其俗公護戎事
也善用文韜制其邊患本詩書之義府資德刑之戰器軍
吏緩帶兵車稅鞅譚笑樽俎疆陲晏然凡所介貳皆有卓
絕之稱每歸功於上豈代師受名而士君子多所推重方
將萬里橫海一飛青雲三三行六年至于命天開元十八

年四月十八日寢疾終于長安第。命薄葬布車一乘而已。不忘平生之儉以示後昆之訓。惟公博識強辨。尤好理論。至于縉紳風教得失之間。處正其義。不以錙毫假物。善與人交。不改柯葉。一時之俊。千里應言。分宅字孤。謂之已任。而特相友善者。時則有若呂向。梁涉。庠。狄履溫。終以備才良器。綢繆省闈。每一拜命。未嘗不相謂曰。使君不歿。吾輩豈先處顯地。其精鑒雅望。有如此者。夫人安定梁氏。執禮之坊。有儀可則。哀敬以事宗廟。謙柔以和娣姒。栢舟之誓。年在幼冲。諸孤始孩。一生所寄。送往過禮。撫存以慈。魚菽之祭。以彰勤儉。俎豆之訓。不墜文儒。時人謂之大家國史。編於烈女。徽音淑行。雅有餘芳。開元十九年十二月二

十四日終于維陽私第。玄寢異室。三紀于茲。壬寅歲詔贈府君大理丞。追封夫人安定郡太君。德盛流光。禮徽優典。永泰二年十一月日。合祔于金城縣太平原禮也。嗣子大理丞縱。侍御史絳。夙遭閔凶。不及詩禮之誨。尚賴慈獎。幼彰令聞。白簡持憲。冊筆詳刑。忠信孝友。合於純性。悲夫。欲養而親不逮。再仕而心不喜。春秋窀穸。痛結寒泉。月日有時。禮尊同穴。蒸蒸之慕。有感人倫。以袞夙有通家之好。俾叙先君之德。銘曰。

世載忠厚。有倬其道。尊顯府君。光昭祖考。達識宏量。汪汪浩浩。五經紛綸。精義入神。勞我州縣。汨我風塵。不屑其志。與時屈伸。乃佐軍政。戎荒底定。乃登輜軒。郡邑從今。交則

不黷久而益敬有才無年零落重泉遺孤改隧合祔終焉

舒州望江縣丞盧公墓誌銘

梁肅

范陽盧君諱某字某漢侍中尚書植之裔孫北齊民部侍郎范陽伯士嬰之玄孫上祭令彝倫之孫泌陽令某之季

子其令德甲

集作官

族上矣君孝發于內不懈于外禮極于

上不遺乎

集作其

下得太和之正性蘊明哲之茂器學以聚

之間以辨之百行行之一以貫之干祿代耕非近榮也安

卑從政非離群也弱冠舉孝廉授舒州望江縣丞夫道德

繫乎已窮達繫乎時惟天生德於君而止諸下位卑道消

乎當世

十字集作不昇之年不與之位

噫造物者不其惑歟享年四十有

四天寶元年月日終于慰氏私館是歲權窆于潁川之許

昌里大曆七年月日胤子太常寺協律郎東美初承嚴訓

以公之喪後祔

二字集作從

先大夫于陽翟之某原禮也夫默

而成之存乎德紀德音者存乎詞銘曰

顯允君子克廣德心邈乎其高淵乎其深雲藏于山風隱

于林時雨下降不聞其音性含元化形隨逝水天何言哉

命也已矣山川有變兮

集無今字

令聞不已

洪州建昌縣丞崔君墓誌銘

權德輿

君諱遴字某博陵安平人也六代祖北齊右僕射昂以文

學正直周歷諸曹禮樂刑政所損益者十七八生隋水部

司門二郎中洽有風儀器尚以世其家司門生皇掖縣令

曇首掖縣生武邑令昭

集作紹

武邑生白水尉頂頂生汾西

令贈定州刺史昇之自掖縣四世含德不耀君即定州府
 君之長子故相國右庶子安平公其介弟也恬淡愿懿不
 遷於時仁于鄉黨友于兄弟大歷中御史大夫替皇李公
 之宣風于吳也聞其賢起家表薦集此字無為常州武進縣尉
 跡聞集作知已心不近名俛視官曹非其好也建中初嗣
 曹王分閩案部于九江之西又以名聞轉洪州建昌縣丞
 君喟然曰莊生於陵子吾之師也惡用是哉終不胥就先
 是築室於毘陵疏清流蔭碧蘚樹藝偃仰有終焉之志貞
 元十年正月日寢病集作疾終於其家享年六十三夫人范
 陽盧氏華宗淑行動脩集作循禮法其孤景伯等年未及冠
 皆專經趣善藐然銜恤護奉輜車以明年十月某日歸櫛
 于河南東京之舊塋先遠故緩也季弟著作郎速貞謀集作
 諒遜悌稱於士林抱終鮮之痛主歸全之禮以德輿詳其
 素履俾為墓銘銘曰
 公綽之道澹無欲兮結集作身用晦言可復兮視履考祥
 宜戩穀兮乃如之人胡不淑兮周原舊封森拱木兮於以
 寧神識陵谷兮

潤州丹陽縣丞盧君墓誌銘 前人

君諱峴字某范陽人自一有元字魏已降官婚人物為天下清
 平大略書于國史詳言在乎家謀今所書三葉自曾王父
 衛州司馬府君諱弘壽初貞晦不仕公車徵拜生冀州信
 都主簿府君諱友裕友裕生楊州高郵縣令府君諱相君

即高郵之第若干子奉前人之業講先師之訓以之克家以之從政直方謙厚卑不可踰筮仕三次不離州縣之職曰亳州蒙城縣主簿楚州寶應縣尉潤州丹陽縣丞寬敬蒞事不希名譽故每當廉問薦延之目集作日使臣陟明之舉皆遷延晦避時議多之清行懿名竟用不振以大曆九年七月日寢疾終于官舍享年五十五其娶隴西李氏柔順有婦行嗣子某等訣于著蔡街恤襄事以關河不靖未克歸祔遂以某月日權厝於縣之北原焉從宜也予僑居丹陽嘗與君游故粗書事實以備刻石銘曰生死云云如環斯循于嗟盧君於此歸根

再從叔京兆府咸陽縣丞府君墓誌銘 前人

別本作若訥

府君諱達字某天水略陽人曾祖崇本皇朝散大夫滑州匡城縣令祖若納能皇通議大夫桂歛梓三州刺史考僕皇深州安平縣令自十二代祖前秦安丘敬公至四代祖平涼公皆有勲力為通侯大吏自匡城至安平以文采政事為列城二千石家法休聲貽于後昆府君以士行吏理平端簡實大曆初調為家令寺主簿歷同州馮翊縣尉河南府登封主簿京兆府咸陽縣丞居之必聞考績得之必由綜覈中外之姻或擬戚里都侈鄉未嘗巧從以去窮約且以枉道由徑食浮於人為誠大率每十歲徙一官故歷三紀而四受祿勤官肅事不誘於長上循理蹈和不懼集作於徙羨其有常歟其難進歟貞元十九年歲在癸未秋七

月壬戌感風疾終於新昌里享年六十先是夫人南陽張氏明茂有禮法亦天奪其壽府君周縗既除三月而鞠凶及悲夫子墳等謀於族屬家老以明年春二月巳酉祔真宅于萬年縣龍首原謹書官次以納幽窆銘曰
幽丘而下曄曄圭組宜昌郟城仍集作乃代啓土平涼策勳梓州懿文家謀德風儀刑薦紳時惟叔父祗服丕矩始仕宮卿乃從左輔周旋二畿坦坦安卑遵道而行不競于時修短卷忽兮嗚呼涕洟崇岡美楨兮永識于茲

河南府洛陽縣主簿鄭君墓誌銘 穆負

鄭君諱約字某元魏中書令周小司空金鄉文公穆之七代孫皇朝東都晉守京兆河南尹福建觀察使御史大夫

懿公叔則之冢子擢明經調大原府參軍歷興平尉洛陽主簿娶范陽盧氏生二男未齧二女未笄春秋四十六貞元十年四月八日卒于東都尊賢里第十有一月某日從先君子萬安山陽哀哉君事先大夫以聞禮為業奉繼太夫人以無違為志孝也地貴門高蓋群從外姻歸之者如市身為冢嫡率以和氣煦其歡心行也不籍世資自求於古立也餘力學文會友藝也前者先大夫出入貴任羽儀中朝君仲父季父皆以令名列於清貫赫奕高明之盛莫之與京既而季父陷于國讎先大夫薨於遐裔仲氏繼歿于位二夫人次夭于家君與諸父兄弟斬馬相從藐爾相吊曰昊天之不我卹也逮三年矣柰何聲未絕口而君又

往焉於戲積善餘慶之道信乎何其於始也信未及其終而欺繼之季弟納柔明而文次迫當室孔懷加等之外似有怨且懼焉謂負先公下賓仲季之執疏君景行俾勒泉苟銘曰
人生盛衰如朝夕可歎繁華與凋落高門冠蓋昔如雲一旦^甲日^甲賓何寂寞盛德之後仁所歸嗟嗟之子何福遠我從先君終此山讓厥嘉祥貽後昆

長安主簿李君墓誌銘

權德輿

君諱少安字公和隴西成紀人自元魏僕射文穆公冲而下為西州冠族或位不克者必以令德聞曾祖仲述皇宣州司馬祖僑河南府渑池縣令父^情惜朝議大夫宗正丞贈

濮州刺史君即濮州第三子敏信寬綽篤於行義方舉孝

庶偶為所親者遷

遷字集作薦延

授冀州阜城縣尉既非所好終

不屑就王黔中礎之持節廉問也表為推官轉支使歷左

武衛士

集作曹

參軍大理評事用誠直贊佐夷落之人宜

之府除至京師轉三元

集作原是

縣尉筦中書甲庫考績四俱

集作居

上策遷長安主簿二陵復土之重比歲會輦轂之下

集作會同

儲峙

二字集作所蒞儲峙

無違典司廐置蕭給安靜尹守

以為能方受

集作授

代而復表番一歲御史府

集作司字

察視者

數薦君自代君方勇於退故朝命未及焉元和三年三月乙酉感疾不起於長安興化里第享年五十君温仁孝友喻義循理恢恢然有君子之度齒位皆屈而知者歎焉夫

人榮陽鄭氏太僕少卿叔規之女仁而不壽先是君元兄
郴州刺史捐館舍請君襄事間關勤遠間一歲有啜然之
痛喪服甫除俄啓手足噫以積善之家而叢不淑如是糾
纏之數其可問邪嗣子拭授等號奉輜車以夏五月景申
祔於東都穎陽縣之某原禮也音微未昧集作沫志義相倫
情殷中外年同甲子濡涕操管銘于墓門銘曰
族之盛兮才之令兮纔知命兮俄大病兮葬者藏兮穎之
陽兮誌丘荒兮杳茫茫兮

溫縣主簿韓君墓誌銘

柳宗元

有唐故溫縣主簿諱慎字某漢弓高侯其先也從集作徒于
南陽傳世至今唐侍中瓊集作瑗克用貞亮奮于國難侍中

兄子郢州刺史諱某某先御史著作郎諱某某生尚書庫
部郎中萬州刺史諱某嗣以文行大其家業君萬州長子
也以父任爲建陵挽郎累調授王府參軍相州襄陽尉至
于是邑貞元十六年又調于天官署河陽丞未拜十有一
日暴疾卒于長安永崇里先人之廬又十有一日龜筮襲
吉祔于咸陽洪瀆原先人之墓正集作禮也先三日外姻家
老謀爲之志季弟秦集作泰哀不能文故託於友焉嗚呼生
也以其弟之恭知君之爲友沒也以其弟之感知君之爲
愛惟友愛出于孝移于忠施于人事無往不達故予集作余
得受其辭以書于石集作書于石曰

友而愛愛而忠忠而孝宜之十一字集止作友而愛而忠而孝之貌稱其行

行稱其詞賤受

集作

不壽為善是悼樹于祖考初筮攸告

季也之純寘哀無垠終窶且貧控于仁人備物稱家其儀

式陳爰相其悲載刊

集作

茲珉

陸渾尉崔君墓誌銘

穆貞

崔君名泳字君易清河東武城人皇朝刑部尚書贈太傅

忠公隱甫之孫河南少尹微

唐世系表同 一作微非

之子進士擢第

調同州叅軍陸渾尉生四十有三年以貞元四年冬十月

景子卒于洛陽毓德里之第丁酉從先尚書少尹于此丘

禮也崔族著明洎忠公德如其謚焯乎代之聞見其所憑

者厚矣惟先王之樂實祖考之世及君子之所以為構為

獲者加生知之力行之故其事親也以無間言無違志無

失色無過行其執喪也視禮經有加等而惡用吾情之歎

異夫古焉其蒞官也才無不器事至

一作主

以鋒致理者以

備群司陟明者以克首賦其會友也以晏平仲又敬子路

無宿諾植之為本而游夏之藝文嚮使錫厥永年被之貴

仕俾自家刑國以及生人未始涯也嗚呼才長命短古有

之矣君之所以墮諸公之淚使有餘恨者方兄弟燕言之

次無分陰之疾如寐如息而不反焉夫人范陽盧氏令族

美行宜

一作而

為君之伉儷四子男曰某女孟仲季未笄未

笄初河南府君祥踰月夫人范陽縣君遠養又祥踰月君

繼天君長兄河南府君司錄叅君澆不勝其哀乃至謂其

身之存不若君之沒而無知也當無窮之若

疑作苦

如有知

也先人在焉託我友生銘其塚埏詞曰
有生有死彭殤同致德義為宗崇高匪貴雲收於山曷為
時雨嗟我哲人脩邛之土

鄭州新鄭縣尉安定皇甫君墓誌銘 梁肅

君諱某字某皇朝監察御史某之曾孫贈兵部侍郎某之
孫唐州長史某之第三子尚書左丞先之愛策歷葉聚祉
左丞又嗣以淳德義之門宜有仁人君生而冲茂聰悟孝
敬弱冠以明經登科始長安丞又轉新鄭尉性恬曠不甚
以祿仕為意避亂至江南以積善自娛誦論語二十篇有
夫子微言故嘗翫其章句以行其性非至德要道未嘗經
老民不居其華孟則言仁義君子之志也晚節多

病享年七十七以興元元年正月三日啓手足於嘉興縣
私第夫人博陵崔氏生一子曰攸號慕哀敬禮無違者左
丞嗣子兵部郎中政實營護喪事以前月三日權厝于某
鄉原不克及葬難故也郎中於予有鄉黨之舊泣書美行
見命誌之銘曰

温良恭儉德之柄兮居常待終天之命兮卜葬從權變之
正兮

桓州真定縣尉獨孤君墓誌銘 前人

君諱正河南洛陽人皇朝光祿大夫河

集作洛後亦南公云洛南之禰

諱義順之玄孫故殿中侍御史穎川郡長史贈祕書監府
君集無此諱某之少子故常州刺史府君諱某之愛弟春

秋四十六大曆十一年某月日卒于晉陵郡明年某月日
歸葬于洛陽南先塋元兄水部員外郎兼侍御史沘衙天
倫之痛且懼陵谷之不可常也於是昭銘景行誌其墓曰
君之先出自劉氏漢世祖之裔有進伯者北征以師敗績
降匈奴因部易姓其後有永公羅辰臨川王永業魏齊二
代開國承家臨川生開府儀同三司武安公子佳洛南之
禰也歷代之崇業茂勲其餘祉於是有祕書之遺直常州
之厚集作茂德德美休裕叢滋于君君温恭集作良淑和孝友
慈仁居處進退非禮不動嘗謂學者義之府文者質之薄
故娛心典墳簡棄詞藝又謂干祿者躁之幾藏密者靜之
與故反情樂道居易脩業少時解褐授真定尉非其所好

柔官不之晚節尚黃老慕禪味橐籥心懷夢幻生死端居

一室澹如也逮疾病

集無病字

或勸之藥君

集作石

曰命之不可

奈何雖有藥石將焉所施言未絕口嗒焉順化未婚無子
知者痛之嗚呼予嘗窺天人而考性命大壽之數福極之
源蓋昏默而不可究已以獨孤君蘊純粹之質蹈淵騫之
行而生不躋艾服慶不植後嗣彼造物者以三壽百福與
何人哉先是君李氏之姊捐館其明年四月常州府君薨
反葬之日三喪俱引故親舊惋痛為善者相弔水部之哀
又其可既乎肅常辱常州之眷且與真定游文集無文字故備
其實錄刊于貞石銘曰

顯允君子德心廣兮與道為徒以蒙養兮桑扈反真泊然

文苑英華卷之九

往今刻石九原畢天壤兮

校正四十一字

七月初八日

文苑英華卷第九

